

Tēp gīvendams, nepraluobsi

(Jumuoreska)

Bova Vacis, niekam tēkēs,
No pasaulē atsélēkēs.
Sāva kailie nesétvierē –
Kuožna dēina šnapšē gierē.

Rimta darba ka nedērba,
Grēt i valkata pavērta:
Po kaimali slompinieje
Ēr pavuogtē kou veizieje.

Gruobē vēskou kap patrakēs –
Nesétvierē kērvē, šakēs...
Je kou nuors tik pačēpnuojē,
Tas kap paukštis noplasnuojē.

Nuors ēr teisēnuos, melāva,
Bet priējē lēpta gāla –
Vēsē žmuonis sožēnuojē,
Vuogtus dāktus kor kavuojē.

Vacis šiaušies kap erielis,
Ka nekalts ons avinielis.
Nepavīka isēsoktē,
Ēr nu buobas gāva loptē.

Dabā akiū nier kor dietē –
Svélēn žondus baisi gieda.
Žēla plauka sosēlaukēs,
Vuogtās dāktās negal džiaugtēis.

Kas ne tāva, nerēk imtē –
Vagont garbie praded švinktē.
Tēp gīvendams, nepraluobsi –
Plēks kap žiuogs dērvalie šuoksi.

Sena patarlie jug sāka:
Vēsē golsemuos i grāba.
Ta pamēslīk bent priš smērti,
Sāva šērdē kap atversi.